

HELAIAN KETERANGAN PRODUK

(Sila baca Helaiian Keterangan Produk ini sebelum anda membuat keputusan memilih Agro Madani. Pastikan juga anda telah membaca terma-terma dan syarat-syarat di dalam Sijil Takaful ini.)

PRODUK : AGRO MADANI

DITAJA JAMIN OLEH: TAKAFUL IKHLAS BERHAD

Dilisenkankan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia

Tarikh: 01/06/2018

1) Produk apakah ini?

Pelan ini diperkenalkan secara eksklusif untuk pelanggan-pelanggan Bank Pertanian Malaysia (Agrobank) di mana ianya menyediakan jaminan kewangan terhadap kematian akibat semulajadi dan juga kerugian akibat kemalangan diri setiap masa di mana sahaja di seluruh dunia.

Kerugian akibat kemalangan merujuk kepada pampasan sekiranya berlaku kecederaan, hilang upaya atau kematian yang disebabkan oleh keganasan, kemalangan, musibah luar kawalan dan bencana. Musibah mestilah disebabkan semata-mata oleh KEMALANGAN, tertakluk kepada pengecualian.

Ini adalah pelan setahun produk Takaful berkelompok dengan 3 pelan pilihan yang menawarkan kombinasi perlindungan di bawah Group Term Takaful (GTT) dan Group Personal Accident (GPA).

2) Apakah konsep Syariah yang diguna pakai?

Tabarru'	bermaksud derma bagi tujuan perpaduan dan kerjasama di kalangan Peserta-peserta dan akan digunakan untuk membantu Peserta yang ditimpa musibah. Di dalam konteks Takaful IKHLAS, Tabarru' akan diperuntukkan ke dalam Dana Risiko.
Wakalah	merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejen (<i>wakil</i>) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks Takaful Ikhlas, pihak Syarikat dilantik sebagai ejen (<i>wakil</i>) untuk melaksanakan Perniagaan Takaful, dan fi Wakalah (<i>Ujrah</i>) akan dibayar kepada pihak Syarikat

3) Apakah perlindungan-perindungan / manfaat-manfaat yang ditawarkan?

1. Terdapat 3 pilihan pelan seperti berikut:

Manfaat-manfaat	Pelan Berlian	Pelan Emas	Pelan Zamrud
GTT			
Kematian / Hilang Keupayaan Kekal akibat Semulajadi	RM25,000	RM15,000	RM5,000
Perbelanjaan serta-merta kematian	RM5,000	RM3,000	RM1,000
Penyakit Kritikal pra-bayar	RM10,000	RM7,500	RM2,500
GPA			
Kematian / Hilang Keupayaan Kekal akibat Kemalangan	RM50,000	RM30,000	RM10,000
Perbelanjaan Pengkebumian akibat Kemalangan	RM5,000	RM3,000	RM1,000
Jenayah Ragut	RM500	RM500	RM500
Elaun Kerusi Roda akibat Kemalangan	RM500	RM500	RM500
Bantuan Kewangan kecederaan badan akibat bencana alam	RM2,000	RM2,000	RM2,000
Fi Ambulan		RM300	

2. Berikut disenaraikan keterangan manfaat yang ditawarkan:

Manfaat-manfaat	Keterangan
GTT	
Kematian / Hilang Keupayaan Kekal akibat Semulajadi	Semasa kematian / Hilang Keupayaan Kekal Orang Yang Dilindungi akibat semulajadi, amaun perlindungan akan dibayar kepada Pemegang Sijil Takaful Induk.
Perbelanjaan serta-merta kematian	Sekiranya Orang Yang Dilindungi meninggal dunia, pihak Syarikat akan membayar manfaat seperti yang dinyatakan dalam Sijil Takaful Induk, sekiranya bukti yang memuaskan diterima.
Penyakit Kritikal pra-bayar	<ul style="list-style-type: none"> Jika Orang Yang Dilindungi disahkan menghidap mana-mana dari Penyakit Kritikal yang dilindungi yang didefinisikan di dalam Sijil Takaful Induk, amaun perlindungan akan dibayar kepada Pemegang Sijil Takaful Induk. Manfaat perlindungan bagi Sijil Takaful Induk kemudiannya akan dikurangkan mengikut jumlah bayaran yang dibuat ke atas Sijil Takaful Induk ini.
GPA	
Kematian / Hilang Keupayaan Kekal akibat Kemalangan	Kematian / Hilang Keupayaan Kekal Orang yang Dilindungi yang semata-mata dan secara langsung disebabkan oleh Kemalangan yang mengakibatkan kecederaan luar yang parah dan nyata (termasuk akibat secara langsung daripada pendedahan kepada elemen tersebut) dan tidak termasuk penyakit, parasit, jangkitan virus atau bakteria atau sebarang keadaan semula jadi atau proses degeneratif; dalam tempoh dua belas (12) bulan kalendar kejadian tersebut.
Perbelanjaan Pengkebumian akibat Kemalangan	Jumlah sekali gus akan dibayar untuk perbelanjaan pengkebumian apabila berlakunya kematian akibat Kemalangan ke atas Orang yang Dilindungi.
Jenayah Ragut	Ragut bermaksud kehilangan dompet, atau beg lain beserta dengan kandungan di dalamnya milik Orang Yang Dilindungi, atau kehilangan apa-apa barang berharga yang dipakai oleh Orang Yang Dilindungi, pada masa material, akibat diragut oleh orang yang tidak dikenali termasuk percubaan ke arah tersebut. Jumlah yang akan dibayar adalah berdasarkan kepada setiap dan semua kejadian, tertakluk kepada jumlah agregat seperti yang tertera di dalam Jadual.
Elaun Kerusi Roda akibat Kemalangan	Semasa Orang Yang Dilindungi mengalami Hilang Keupayaan Kekal akibat kemalangan. Syarikat akan membayar Orang Yang Dilindungi sehingga RM500 untuk kos pembelian kerusi roda dengan syarat ianya diperlukan untuk pergerakan Orang Yang Dilindungi dan disarankan oleh Doktor/Pakar.
Bantuan Kewangan kecederaan badan akibat bencana alam	<ul style="list-style-type: none"> Bantuan kewangan akibat bencana alam adalah terhad kepada mana-mana satu kemalangan dan dalam agregat semasa tempoh takaful. Sekiranya berlaku bencana alam seperti gempa bumi, tsunami, taufan dan banjir, bantuan wang tunai untuk kecederaan badan sehingga jumlah yang dinyatakan dalam Jadual akan dibayar kepada Orang Yang Dilindungi dengan syarat ia adalah mengikut syarat-syarat yang dinyatakan dalam Sijil Takaful Induk. Jumlah manfaat yang dibayar adalah berdasarkan kepada bil perubatan atau perbelanjaan perubatan yang ditanggung oleh Orang yang Dilindungi yang disebabkan oleh kecederaan tubuh badan akibat dari bencana alam atau sehingga RM2,000 yang mana lebih rendah.
Fi Ambulan	Pembayaran semula kos sebenar fi perkhidmatan Ambulan adalah sehingga jumlah seperti yang tertera di dalam Jadual, akan dibayar sekira berlakunya Kemalangan.

3. Senarai 36 jenis Penyakit Kritikal yang dilindungi adalah seperti berikut:

Senarai 36 Jenis Penyakit Kritikal			
1	Strok/Angin Ahmar – mengakibatkan defisit neurologi kekal dengan simptom- simptom klinikal berterusan	19	Transplan Organ Utama/Sumsum Tulang
2	Serangan Jantung – keterukan tertentu	20	Hilang Keupayaan Bertutur
3	Kegagalan Buah Pinggang – memerlukan dialisis atau transplan buah pinggang	21	Pembedahan Otak
4	Kanser – keterukan tertentu dan tidak melindungi kanser tahap awal	22	Pembedahan Injap Jantung
5	Pembedahan Pintasan Arteri Koronari	23	Kehilangan upaya hidup sendiri (berdikari)
6	Penyakit Arteri Koronari Serius	24	Meningitis Bakteria – mengakibatkan ketidakupayaan kekal untuk melakukan Aktiviti Kehidupan Harian
7	Angioplasti dan rawatan invasif lain untuk penyakit arteri koronari	25	Trauma Kepala Major (teruk) – mengakibatkan ketidakupayaan kekal untuk melakukan Aktiviti Kehidupan Harian
8	Kegagalan Hati Tahap Akhir	26	Anemia Aplastik Kronik – mengakibatkan Kegagalan Kekal Sumsum Tulang
9	Hepatitis Viral Fulminan	27	Penyakit Neuron Motor – defisit neurologi kekal dengan simptom klinikal berterusan
10	Koma – mengakibatkan defisit neurologi kekal dengan simptom klinikal yang berterusan	28	Penyakit Parkinson – mengakibatkan ketidakupayaan kekal untuk melakukan Aktiviti Kehidupan Harian
11	Tumor Otak Benign – keterukan tertentu	29	Penyakit Alzheimer / Demensia Teruk
12	Kelumpuhan Anggota	30	Distrofi Otot
13	Buta – Kekal dan Tidak boleh Pulih	31	Pembedahan Aorta
14	Pekak – Kekal dan Tidak boleh pulih	32	Sklerosis Multipel
15	Kelecuran Tahap Ketiga – keterukan tertentu	33	Hipertensi Arteri Pulmonari Primer – keterukan tertentu
16	Jangkitan HIV Melalui Transfusi Darah	34	Penyakit Sistik Medular
17	Penyakit Paru-paru Tahap Akhir	35	Kardiomiopati – keterukan tertentu
18	Ensefalitis – mengakibatkan ketidakupayaan kekal untuk melakukan Aktiviti Kehidupan Harian	36	Lupus Eritematosus Sistemik Dengan Komplikasi Buah Pinggang Yang Teruk

Sila baca Sijil Takaful untuk maklumat lebih lanjut mengenai Manfaat-manfaat Takaful.

4) Berapakah jumlah Sumbangan Takaful yang perlu dibayar?

Jumlah Sumbangan Takaful yang anda perlu bayar adalah berbeza bergantung kepada jenis pelan seperti yang tertera di bawah:

Pelan	Pelan Berlian	Pelan Emas	Pelan Zamrud
Sumbangan Takaful Tahunan untuk GTT	RM130.00	RM85.00	RM30.00
Sumbangan Takaful Tahunan untuk GPA	RM110.00	RM65.00	RM30.00
Cukai barang dan Perkhidmatan (CBP)	RM 0	RM 0	RM 0
Jumlah Sumbangan Takaful Tahunan (termasuk CBP)	RM240.00	RM150.00	RM60.00

5) Apakah yuran-yuran dan caj-caj yang perlu dibayar?

Caj-caj yang dikenakan adalah seperti berikut:

Jenis	GTT	GPA
Yuran Wakalah	50% daripada Sumbangan Takaful	60% daripada Sumbangan Takaful
• Komisen	• 10% daripada Sumbangan Takaful	• 25% daripada Sumbangan Takaful
• Perbelanjaan Pengurusan	• 40% daripada Sumbangan Takaful	• 35% daripada Sumbangan Takaful
CBP	Tertakluk pada kadar semasa yang dikenakan	
Duti setem	RM10.00	RM10.00
Yuran pembatalan	-	RM10.00 + CBP

6) Apakah terma-terma dan syarat-syarat utama yang perlu diketahui?

Kepentingan Pendedahan

Anda mestilah menyatakan semua fakta penting seperti pekerjaan anda dan perihal peribadi yang boleh mempengaruhi penerimaan perlindungan, dan bilangan sijil serta jumlah Takaful Kemalangan Diri yang telah anda sertai dari mana-mana pengendali Takaful / insurans.

Memorandum

Sekiranya Orang yang Dilindungi mempunyai lebih dari satu (1) Sijil Kemalangan Diri yang dikeluarkan oleh pihak Syarikat (sama ada berkelompok atau individu), Orang yang Dilindungi tidak berhak untuk menuntut manfaat tambahan memandangkan pampasan hanya dibayar untuk setiap satu (1) Kemalangan. Walau bagaimanapun, bayaran untuk manfaat kematian tidak menghalang pembayaran di bawah peruntukan Endorsemen ini. Peruntukan ini adalah tertakluk kepada terma-terma, pengecualian dan syarat-syarat di dalam Sijil Takaful ini.

Waranti Sumbangan Takaful

Ia adalah penting dan menjadi syarat khas Sijil Takaful ini bahawa Sumbangan Takaful yang perlu dibayar mestilah dibayar dan diterima oleh pengendali Takaful dalam tempoh enam puluh (60) hari dari tarikh permulaan Sijil Takaful ini atau endosmen / pembaharuan Sijil Takaful.

Bila mana Sumbangan Takaful yang dibayar lanjutan dari waranti ini, diterima oleh wakil Syarikat yang diberi kuasa, bayaran tersebut akan dikira telah diterima oleh pihak Syarikat. Tanggungjawab bagi membuktikan Sumbangan Takaful perlu dibayar telah diterima oleh seseorang, termasuk ejen Takaful yang tidak diberi kuasa untuk menerima Sumbangan Takaful, terletak pada pihak Syarikat.

Waranti ini tertakluk kepada terma dan syarat yang terkandung di dalam Sijil Takaful ini.

7) Apakah pengecualian-pengecualian utama yang terdapat di dalam Sijil Takaful ini?

Pengecualian bagi GTT atas Kematian akibat semulajadi

Jika Orang Yang Dilindungi, sama ada waras atau tidak, cuba untuk membunuh diri di dalam tempoh satu tahun bermula pada Tarikh Efektif, meninggal dunia disebabkan virus Sindrom Kurang Daya Tahan Melawan Penyakit (AIDS) atau penyakit yang disebarkan secara seksual, atau meninggal dunia akibat dari Keadaan Sedia Wujud sepertimana yang ditakrif dalam Sijil Takaful, tiada manfaat akan dibayar.

Pengecualian utama bagi GPA

Pengecualian seperti sijil Takaful kecuali dinyatakan secara khusus / dinyatakan sebaliknya :

- a. Peperangan, keganasan, tidak siuman, bunuh diri, kecacatan fizikal atau mental sedia wujud, jangkitan bakteria atau virus, penyakit, kehamilan, melahirkan, keguguran, serangan pembunuhan yang dimulakan oleh Orang Yang Dilindungi, pelanggaran Undang-Undang Sivil atau Syariah, hilang keupayaan kekal atau kecederaan yang sedia wujud, penyalahgunaan alkohol/dadah.
- b. Semasa mengendalikan atau menunggang kenderaan bermotor beroda dua sebagai sukan, semasa menggunakan jentera kerja-kayu yang menggunakan kuasa mekanikal, semasa dalam penerbangan atau melibatkan diri dalam aktiviti udara kecuali sebagai penumpang yang membayar tambang.
- c. Kerugian yang timbul dari melibatkan diri dalam memburu, mendaki gunung, mendaki di kawasan yang terpencil yang berlesen, hoki ais, bermain polo, lumba kuda berhalang, mencuci menara, kapal layar, aktiviti menyelam, aktiviti payung terjun, terjun lelabah atau sebarang sukan terjun udara, aktiviti-aktiviti di bawah air, perlumbaan, sukan/permainan profesional.
- d. AIDS atau penyakit kompleks berkaitan AIDS (ARC)
- e. Pengionan, radiasi oleh pencemaran radioaktif, senjata nuklear;
- f. Penyakit, rawatan perubatan atau pembedahan (kecuali akibat daripada kecederaan), hernia.
- g. sebarang perlakuan yang melanggar Undang-undang Sivil atau Syariah dan prinsip-prinsipnya oleh Orang Yang Dilindungi.
- h. Sering melibatkan diri dalam apa-apa pekerjaan, sukan, hobi atau aktiviti yang berisiko
- i. Yang timbul daripada sebarang aktiviti haram dari tindakan Pihak Berkuasa Kerajaan termasuk rampasan, penyitaan, kemusnahan dan sekatan; daripada kehilangan atau kerosakan peralatan yang disewa atau dipajak; menguji apa-apa jenis kenderaan.
- j. Pekerjaan berikut: - Tentera, pertahanan awam, penguatkuasa undang-undang, pemadam kebakaran, pengawal keselamatan, anak kapal, krew kapal, anak kapal pelantar minyak, penyelam, nelayan, perlombongan, pembalakan, kilang papan, letupan atau kuari yang terlibat dengan bahan letupan, beracun gas / berbahaya, cecair atau bahan, aktiviti luar pesisir, yang melibatkan perancah, gondola, tali / kabel, aktiviti luar pesisir menyelam itu, perlombongan, pengerudian

Pengecualian utama diguna pakai untuk penyakit kritikal

Sijil Takaful ini tidak melindungi sebarang penyakit kritikal yang disebabkan secara langsung atau tidak langsung, keseluruhannya atau sebahagiannya, oleh mana-mana satu daripada kejadian yang berikut:

- a) Peperangan, penaklukan, ancaman musuh luar, permusuhan atau operasi-operasi berbentuk peperangan (sama ada peperangan diisytiharkan ataupun tidak) atau perang saudara; atau
- b) Pemberontakan, rusuhan awam, pemberontakan tentera atau orang awam, insureksi, penentangan, revolusi, perintah berkurang atau darurat atau apa-apa jua peristiwa ataupun penyebab yang boleh menentukan pengisytiharan ataupun penyelenggaraan perintah berkurang ataupun darurat; atau
- c) Sebarang keadaan sedia ada sebelum penerimaan perlindungan.

Nota: Senarai ini bukan senarai yang lengkap. Sila rujuk Sijil Takaful untuk senarai penuh bagi pengecualian di bawah Sijil Takaful ini.

8) Bolehkah saya membatalkan Sijil Takaful ini?

Anda boleh membatalkan Sijil Takaful ini dengan menyerahkan notis bertulis kepada kami. Selepas pembatalan, Pemegang Sijil Induk berhak untuk mendapat baki di dalam Akaun Pelaburan Risiko Peribadi (PRIA) (untuk GTT) dan tiada pulangan Sumbangan Takaful pro-rata bagi Tempoh Takaful yang belum berkuat kuasa (untuk GPA). Tiada bayaran balik Sumbangan Takaful dibenarkan sekiranya anda telah membuat tuntutan di bawah Sijil Takaful.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting bagi anda untuk memaklumkan kepada Agrobank tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

10) Bagaimanakah saya boleh mendapatkan maklumat lanjut?

Sekiranya anda memerlukan informasi tambahan mengenai Takaful keluarga atau Takaful kemalangan diri, sila rujuk kepada buku panduan *insuranceinfo* untuk "Takaful Keluarga" dan "Takaful Kemalangan Diri" yang boleh didapati dari semua cawangan Agrobank atau dapatkan satu salinan daripada pengantara Takaful anda atau layari laman web www.insuranceinfo.com.my

Sekiranya anda memerlukan maklumat tambahan mengenai **Agro Madani** sila hubungi kami di:

Takaful Ikhlas Berhad

Jabatan Pengurusan Perhubungan Pelanggan
IKHLAS Point Tower 11A | Avenue 5 Bangsar South | No. 8 Jalan Kerinchi | 59200 Kuala
Tel: 03-2723 9999 | Faks: 03-2723 9998
Laman sesawang : www.takaful-ikhlas.com.my
Emel: ikhlascare@takaful-ikhlas.com.my

11) Jenis perlindungan Kemalangan Diri Takaful lain yang disediakan

Sila hubungi cawangan Agrobank yang terdekat untuk maklumat lanjut

NOTA PENTING:

ANDA DINASIHATKAN UNTUK MENGAMBIL PERHATIAN MENGENAI SKALA MANFAAT UNTUK KEMATIAN DAN HILANG KEUPAYAAN KEKAL DALAM SIJIL TAKAFUL ANDA. ANDA MESTI MENCALONKAN PENAMA DAN PASTIKAN PENAMA ANDA TAHU TENTANG SIJIL TAKAFUL KEMALANGAN DIRI YANG ANDA TELAH SERTA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU HUBUNGI PENGENDALI TAKAFUL UNTUK MAKLUMAT LANJUT.

MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON PRODUK TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUNYAI KEWAJIPAN UNTUK MENGAMBIL LANGKAH PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN

DALAM BORANG CADANGAN (ATAU APABILA ANDA MEMOHON UNTUK PRODUK INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.

KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN MUNGKIN MENGAKIBATKAN PEMBATALAN SIJIL TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN SIJIL TAKAFUL ANDA.

KEWAJIPAN PENDEDAHAN DI ATAS ADALAH BERTERUSAN SEHINGGA SIJIL TAKAFUL ANDA DIBUAT, DIUBAH ATAU DIPERBAHARUI DENGAN KAMI.

SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK PRODUK INI), ANDA DIKEHENDAKI UNTUK MENDEDAHKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI UNTUK MENERIMA ATAU TIDAK RISIKO INI DAN MENENTUKAN KADAR TERMA YANG HENDAK DIPAKAI.

ANDA JUGA MEMPUNYAI KEWAJIPAN UNTUK SEGERA MEMBERITAHU KAMI SEKIRANYA SETELAH SIJIL TAKAFUL ANDA DIBUAT, DIUBAH, ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.

Informasi yang disediakan dalam helaian keterangan produk ini adalah sah pada 01/06/2018